



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Arnoldi Corvini à Belderent J. U. D. Jus Canonicum, Per
Aphorismos Strictim Explicatum**

Corvinus van Beldern, Arnold

Amstelodami, 1663

Officio Legati.

urn:nbn:de:hbz:466:1-10591

*De Officio & potestate Capituli Sede
vacante.*

T I T. XIX.

MOrte Episcopi, aut alia de causa, Sede Episcopali vacante, Jurisdictio potestasque, quæ Episcopo competit, tam in spiritualium, quam temporalium administratione, ad *Capitulum spectat: c. cum olim. 14. c. his qua. 11. de major. & obed.*

Ea quæ Episcopalis ordinis sunt, non exercet, sed ad id vicinum Episcopum evocat. *Gloss. in d. c. his que. 11. c. cum olim. 14. eod. Pavin. in tract. de potest. Capit. qu. 3. 4. part. 1.*

Qui citra aliquod futuri Episcopi præjudicium, & cum testatione, ut sibi nullum in eo Episcopatu jus, nullave queratur possessio, ordines Ecclesiasticos conferet, cæteraque Episcopalis Ordinis munera exercebit. *c. suffraganeis. de elect. Pavin. de loc.*

Est Capitulum coetus Canonicorum illius Ecclesiæ. Illud enim conflant, & de Capitulo dicuntur Canonici; non alii ejusdem Ecclesiæ Clerici. *Abb. in c. 1. num. 11. & c. scriptum. num. 4. eod.*

Sede vacante nihil contra Ecclesiam potest novari, *c. 2. de instit. d. c. cum olim. judicium contra eam institutum non valet. c. 1. ne Sede vacant.*

Proinde nec Capitulum potest præscribere ea quæ sibi alioqui non competit. *Gloss. in c. 1. de prescript. Abb. & Felin. in c. ex transmissa. 10. eod.*

De Officio Legati.

T I T. XX.

DIximus supra de Vicariis Episcoporum; tractemus nunc ea occasione de Vicariis sumini Pontificis: qui Legati dicuntur.

Horum

Horum tres sunt species. Alii sunt *Legati de latere*; Alii *missi*; Alii *nati*. c. 1. de offic. leg. in 6. c. 9. hic.

Legati de latere, sunt Cardinales, qui ex latere summi Pontificis, & ejus Senatu, c. 7. Ecclesia. 16. qu. 1. accipiuntur, & nomine summi Pontificis, potestate accepta, in provincias mittuntur.

Hi dum legatione funguntur, Apostolicæ dignitatis insignibus utuntur. c. antiqua. 23. de privileg.

Legati missi sunt, qui extra ordinem Cardinalium constituantur, & in provincias per summum Pontificem cum mandato & potestate mittuntur. d. c. 1. de offic. legati. in 6. & c. mandata. 6. de presumt.

Legati nati sunt, qui ratione privilegii, beneficii possessi, potestatem à Pontifice habent, tanquam ejus Legati. d. c. 1.

Omnium officium est; in provinciis sibi decretis, vice Pontificis noxia evellere & dissipare, salutaria inducere & promovere, c. 2. hic. in 6. c. 1. de consuet. c. mandata. 6. de presumt. provincialium causas tanquam Judices Ordinarii audire & cognoscere, c. 1. hic. junctod. c. 2. in verb. ordinarios. Concilium provinciæ vocare, Abb. c. quod translationem. num. 6. hic. vices suas aliis subdelegare, c. fin. ubi Abb. eod. causas unius provinciæ, si sint diversarum provinciarum Legati, in alia expedire. c. novit. 7. eod.

Pendet maxime eorum potestas ex literarum suæ commissionis, seu mandati, tenore. Ideoque non creditur Legato, nisi literas suæ legationis ostendat. c. fin. dist. 97.

Legatus tamen de latere quædam ex dignitate habet supra alios; nempe post summum Pontificem in provincia sibi decreta majus imperium; c. Abbatem. 36. §. hujusmodi. de elect. in 6. c. volentes. 8. hic. & proinde quædam potest, quæ aliis non sunt permissa, ut quosvis excommunicatos propter manuum in Clericos injectionem absolvere, c. excommunicatis. 9. ubi Panorm. hic. c. ad eminentiam. 20. de sent. excomm. beneficia non vacantia in collegiata vel cathedrali aliqua Ecclesia, suæ collationi reser-

vare;

vare, c. præsenti. 3. hic. in 6. & ibi *Gloss.* vacantia, licet ad alicujus Clerici præsentationem spectent, conferre: c. dilectus. 6. eod. c. 1. eod. in 6. in summa omnia potest, præter excepta & soli summo Pontifici reservata, quæ generali mandato non comprehenduntur. c. quæ de causa. 9. & ibi *Gl.* 2. qu. 5. c. 4. ubi *Gl.* hic. sed speciali opus habent. c. 3. & 4. eod.

Hinc non potest cathedrales, vel regulares, vel collegiatas Ecclesiæ, nec dignitates Ecclesiarum cathedralium majores post Episcopos, quæ per electionem conferuntur, sibi reservare, c. deliberatione. 4. hic. in 6. nec Episcopos transferre, c. nisi specialis. 3. & c. quod translationem. 4. eod. nec Episcopatus unire, dividere, subjicere, d. c. quod translationem. c. sicut unire. 8. de excess. Prælat. nec de negotio quod ad Pontificem retulit, cognoscere. c. licet. 5. hic.

Finitur Legatorum officium lapsu temporis, si ad certum tempus sint dati, c. de causis. 4. de offic. lxx. deleg. revocatione Pontificis, c. ult. & c. excommunicatis. hic. relatione Pontifici factâ, c. licet. 5. eod. morte Legati, & Pontificis, qui eum misit, si res integra: c. mandata. 6. de præsumt. alioqui non. c. 2. de offic. Ord. in 6. ubi *Anchar.*

De Sacerdotibus in inferiori gradu constitutis.

T I T. XXI.

HAECENUS diximus de Sacerdotibus in altiori ordine: nunc videndum de iis qui sunt in inferiori.

Illi sunt Presbyteri, id est, Seniores; sic dicti non modo pro ætate, vel decrepita senectute, sed propter honorem & dignitatem. c. 1. Cleros. dist. 2 1.

Officium eorum est, Dominici corporis & sanguinis consecrationem celebrare; c. quamvis. dist. 68. c. 1. §. ad Presbyterum. dist. 2 5. infantes baptizare, c. constat baptism. 19. de consecrat. dist. 4. sanctificato oleo inungere, benedicere, de occultis peccatis poenitentes, vel in extre-